


# DEN AMBIENTE

CU NOS ARTISTANAN



Jan Poets

## ARTISTA INVITA DI SIMAN

*Claudius Philips*



DESPUES di a pasa un temporada di Carnaval sumamente activo, cu interrupcion pa no perde lesnan importante di su estudio na Boston, e siman aki a sali di regreso pa Merca e famoso Claudius Philips.

Sin duda alguno el a laga un bunita impresion atras cu su roadmarch cu a termina na segundo lugar, pero toch bon toca durante Parada. "Ki tin?

Party!"

Prome cu Claudius a subi e vuelo di American Airlines, el a ser entrevista door di DEN AMBIENTE. E cantautor a laga sa cu su estudio ta bayendo hopi bon mes y cu posiblemente e lo termina esaki na fin di Mei. Despues cu e termina esun actual, e ta desea di ricibi un otro beca di Gobierno of di UNOCA pa asina e bay pa

profesional.

Ta asina cu Curaçao a ofrece Claudius Philips un suma hopi atractivo pa di e manera ey introduci Calypso den Carnaval na Curaçao, tabata dificil pa laga Aruba durante carnaval.

Claudius su plannan ta pa termina cu su longplay nobo cu sigur ta mes bon cu esun anterior, y e ta spera cu pueblo Arubano y Antiyano accept. E album mes lo ta riba mercado na luna di April, y e ta spera tambe di por sigui graba hunto cu e principe Arubano, Hildward Croes.

Encuanto e Festival Tumba ABC, Claudius a muestra cu aunke esaki ta nos cultura, "nos a sa di sali ganador aunke decision no a bay na nos favor."

El a bisa cu Aruba a duna un bon presentacion cu hasta a pone e fanaticada di Curaçao goza un mundo.

Claudius ya caba a cuminsa prepara pa otro aña, si e Caribbean Calypso Festival tuma lugar, pa asina hiba Aruba su Calypso rond Caribe.

Aunke Boston tin su malo y bon, e ta gusta e ciudad ey. Como cu e no ta gusta e holor y huma di cigarra, e ta prefera di keda su so den un apartamento. Nos di DEN AMBIENTE ta desea Claudius tur clase di exito cu su estudio y tambe cu su longplay nobo.

Claudius ta gradici e pueblo Arubano masha hopi mes durante tur su presentacionnan di Carnaval, cu ta un gran estimulo pe. E ta gradici tambe Carlos de Freitas y The Aruban Band cu a percura pa e ta na Aruba cada fin di siman. Gratitud tambe na Dora Pieters y Bupi Groder kende a patrosina Claudius durante Carnaval.

## Hermanito tin pensa di biba na Aruba



DURANTE e Festival Tumba ABC, y tambe eligimento di Reina di Carnaval, tabata na Aruba e famoso Diskjockey HERMANITO NARVAEZ. Conoci hopi bon na Aruba tambe, Hermanito actualmente tin programa di television educativo na TeleCuraçao.

Segun Hermanito a declara na DEN AMBIENTE, el a keda masha asombra con pueblo Arubano ta anima su tumberonan y tambe e reinanan.

Pa Hermanito, tabata algo masha "great" mes di ta na Aruba pa presencia esaki, y ta cana cu e pensamentonan di bin biba na Aruba.

Den e entrevista, el a bisa DEN AMBIENTE cu e ta lamenta masha hopi mes di loke a pasa durante e Festival Tumba ABC.

Manera por mira riba e potret, e tabata cana rond cu un videocamera pa capta e ambiente di publico durante eleccion di Reina, y a keda di pasa esaki den su programa na television pa asina pueblo di Curaçao y Bonaire mira con Aruba ta celebra carnaval.

## Brassband Diadomingo awor

E grupo di mas Jolly den Carnaval 37, esta "Di Fiesta" cu tabata presentacion di Grupo Carnaval Hospitala, ta planea pa organiza un tremendo fiesta Diadomingo awor pa celebra cu e participantenan y TAMBE pueblo en general.

E fiesta aki lo tin acompañamento musical di The

Grasshopper, Musical Time, La Nueva Fuerza, Los Pimentosos, y Academy Brass.

Segun DEN AMBIENTE a compronde, e fiesta ta di 12'or di merdia te cu 8'or di anochi den Villa Nostra.

Pues pa mañan, tur hende pa Villa Nostra pa baha peso den calor, bailando cu no menos cinco banda.

### OTRO SIMAN

Den bo columna semanal preferi DEN AMBIENTE lo tin otro siman un entrevista cu Hildward Croes encuanto e diferencianan entre e banda di Wilfrido Vargas y di Juan Luis Guerra/4:40.

Esso

ESSO PALMBEACH N.V.

Zoekt op korte termijn:

ADMINISTRATIEVE KRACHT

Vereisten:

- Minimaal Havo (met Handel,) M.A.), of Praktijkdiploma Boekhouden
- Goede contactuele eigenschappen.
- Leeftijd boven de 30 jaar
- Ervaring met computerboekhouden strekt tot aanbeveling.

Gelieve Uw sollicitatiebrief, voorzien van o.v., binnen 14 dagen te richten aan:

ESSO PALMBEACH N.V.  
T.a.v. Dhr. R. Croes, Manager  
Palmbeach 6-D  
Aruba